

### 3. Advent

Das Geheimnis von Weihnachten ist ein Einfaches.  
Mit Musik der «Harmonie» Schwarzenburg und Liedern  
vom Kirchenchor Guggisberg wollten wir diese Einsicht näherbringen:

#### **s grosse mysterium vo wyenachte**

s grosse mysterium vo wyenachte  
isch ganz eifach  
es isch dr mönsch  
wo wott wärde

ohni windle  
wärmi u nahrig  
wo nim angeri muesse gä  
het dr mönsch kei chance  
z wärde  
kene vo üs

dass mir da si  
mit maske oder ohni  
fröhlech oder truurig  
zeigt:

einisch im läbe  
heis mönsche guet gemeint mit mir  
wie maria u dr josef  
wo gschicht verzellt  
är sig nid mal dr vater gsi  
hirte vor der stadt  
u die drü magier us em morgeland  
frömdi, mit angere religiöse überzügig  
e stärn het se gfühert  
u e esu – so ne flucht i frömdi müglech gmacht het

gfahr u bedrohig isch ou denn nach gsi  
dr herodes hets wölle töde  
drum hei soldate ching z bethlehem ermordert, erschlage  
vo anfang a is bedrohig, dr tod gägewärtig gsi  
a wyenachte

wie i üsem läbe  
es brucht nid viel

aber einisch  
heis mönsche guet gemeint mit mir  
hei zue mir sorg gha  
e notwändigi zyt lang

das isch mysterium vo wyenachte  
sisch äbe e mönsch uf ärde

Jürg Meienberg